

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quomodo Imperator cum oraculum accipere voluißet, Daemonium,
Babilam martyrem reueritum, nihil respo[n]derit, & de Imperatoris ira, &
Theodoro confessore. Cap. XVI.

urn:nbn:de:hbz:466:1-12704

urbem Antiochiam grauissimis affecturum incommodis. Inde Tatsum Ciliciæ se recipit. Ut verò primum, quæ erat necessaria ibi parari iusserat, ex ea ciuitate propere decedit. Ex qua re Libanius Sophista, ansam ad scribendū arripiens, tum orationem illam, quæ πρεσβευτικὸς inscribitur, id est, qua imperatore pro Antiochenis exorauit, tū eam, quæ oratio ad Antiochenos de ira Imperatoris aduersum illos dicitur, cōposuit. Fertur Sophistā illū has cōfecisse orationes, in vulgus tamen minimè pertulisse. Imperatorem autē nō reipsa in eos, qui cōtumeliis ipsum affecerat, vindicādo, sed dicteria solū retorquendo irā suā posuisse. Nam oratione illa, quæ Antiochica, siue Misopogō, id est, odiū barbę inscribitur, ab ipso composita, ciuitati Antiochiæ contumeliae notas inussit ad perpetuitatem. Sed de his haec tenus.

Quomodo Imperator cum oraculum accipere voluisset, Dæmonium Babilam martyrem reueritum, nihil respōderit, & de Imperatoris ira, & Theodoro confessore. CAP. XVI.

D Einceps de iniuriis, quibus Imperator id temporis Christianos Antiochiæ afficeret, dicamus. Vbi templa gentilium, quæ erant Antiochiæ, aperiri mandauerat, oraculum ab Apolline, qui in Daphne colebatur, accipere maturauit. Verū cum Dæmon, qui in eo delubro habitabat, vicinum suum, Babilam martyrem videlicet, reformidās, nullum Imperatori responsum daret (loculus enim, quo corpus martyris tegebatur, erat in proximo) imperator causā intellecta, loculum martyris quām celerrimè inde transferri iubet. De qua re Christiani Antiochiæ certiores facti, vna cum mulieribus & pueris exultates gaudio, psalmosq; canentes loculum ex Daphne in urbem Antiochiam transferunt. Psalmi autem, quos cecinere, reprehēsionem deorū gentilium, & eorum qui in idola credebant, cōplexae sunt. Tum quidem malum Imperatoris ingenium, quod antea tanquam in abstruso delituerat, omnibus patefactum est. Nam qui dudum philosophiæ studium professus fuerat, amplius se continere non poterat, sed psalmis ad gentilium probrum decantatis ad iracundiam facile prouocatus, constituit

SOCRATIS HISTOR.

stituit eadem tormentorum genera Christianis infligere, quæ iam pridem Diocletianus illis inflixisset. Verum cum ob expeditionem contra Persas suscepit tempus ad illud institutum minimè ipsi suppeteret, dat mandatum Salustio prouinciae praefecto, ut eos qui illorum psalmorum canendorum authores fuissent, ad supplicia rapiendos curaret. Praefectus verò tametsi erat religione gentilis, mandatum tamen illud exequendum inuito animo suscepit. Verum cū refragari nō posset, complureis Christianos comprehēdi, ac nonnullos eorum in carcerem concludi iubet. Vnum autē Adolescentulum Theodorum nomine ad eum à gentibus adductum, varijs tormentis suppliciisq; cruciari, totumq; illius corpus dilacerari mandat: illumque iam tum tormétis eximi, cum non amplius in vita mansurum arbitraretur. Verum Deus illum in integrum restituit. Nam post illam fideli in tormétis confessionem, ad longinquū téporis spatii vitam propagauit. Ruffinus qui latino sermone ecclesiastical scripsit historiam, memorat se cū hoc Theodoro lōgo tempore post, collocutum esse, eumq; que rogassem, an non cum verberibus cæsus, tormentisque afflictus esset, maximum sensisset dolorem. Illum respondisse non multum acerbitas ex tormentis sibi accidisse: quendamq; ei astitisse adolescentulum, & sudorem, qui ex ea conflictatione exoriebatur, absteruisse: animum confirmasse: ipsumq; tempus quo cruciabatur, voluptati potius, quam angori fuisse. Atque de Theodoro, adolescente cum primis admirando ista dicta sint. Per idem tempus Persarum legati ad Imperatorem aduerauerant postulatum, ut bellum palam indiceret, denūciaretq;. Ille eos remisit, hæc solū locutus: me ipsum breui videbitis, & pperea legatos hac de re ad vos mittere nō est op'.

Quod Iudeos Imperator ad sacrificandum bortabatur, & de extremo Hierosolymorum excidio.

CAP. XVII.

Porrò autem, dum Christianos alio quodam modo diuexare contenderet, suam ipsius superstitionem quasi in oculis omnium ad intuendum defixit. Nam cum sacrificiis maestandis admodum delectaretur, non solum ipse ex eiusmodi sanguinis effusione cepit voluptatē, sed alijs si idem